

長洲文徵明寫像



太上老君說常清靜經

老君曰大道無形生育天地大道無情運行日月大道無名長養萬物吾不知其名強名曰道夫術者有清有濁有動有靜天清地濁天動地靜男清女濁男動女靜降本流末而生萬物清者濁之源動者靜之基人能常清靜天地悉皆歸夫人神好清而心擾之心好靜而欲寧之常能遣其欲而心自靜澄其心而神自清自然六



欲不生三毒消滅所以不能者為心未澄欲未
遣也能遣之者內觀其心心無其心外觀其形
形無其形遠觀其物物無其物三者既悟唯見
於空觀空亦空空無所空所空既無無亦無
無無既無湛然常寂寂無所寂欲豈能生欲既
不生即是真靜真常應物真常得性常應常靜
常清靜矣如此真靜漸入真術既入真道名為
得道雖名得道實無所得為化衆生名為得道

能悟道者可傳聖道
老君曰上士不爭下士好爭上德不德下德執
德執著之者不名道德衆生所以不得真道者
為有妄心既有妄心即驚其神既驚其神即著
萬物既著萬物即生貪求既生貪求即是煩惱
煩惱妄想憂苦身心便遭濁辱流浪生死常迷
苦海永失真道真常之道悟者自得得悟道者
常清靜矣

仙人葛玄曰吾得真術曾誦此經萬遍此經是
天人所習不傳下士吾昔授之於東華帝君東
華帝君授之於金闕帝君金闕帝君授之於西
王母皆口口相傳不記文字吾今於世書而錄
之上士悟之昇為天官中士悟之南宮列仙下
士得之在世長年遊行三界昇入金門
左玄真人曰學道之士持誦此經者即得十天
善神擁護其人然後玉符保神金液煉形形神

俱妙與衛合真

正一真人曰人家有此經悟解之者灾障不干
衆聖護門神昇上界朝拜高真功滿真就相感
帝君誦持不退身騰紫雲

嘉靖丁酉七月十有二日炁香敬書徵明



老子列傳

老子者楚苦縣厲鄉曲仁里人也姓李氏名耳
字伯陽謚曰聃周守藏室之史也孔子適周將
問禮於老子老子曰子所言者其人與骨皆已
朽矣獨其言在耳且君子得其時則駕不得其
時則蓬累而行吾聞之良賈深藏若虛盛德容
貌若愚去子之驕氣與多欲態色與滛志是皆
無益於子之身吾所以告子若是而已孔子去

謂弟子曰鳥吾知其能飛魚吾知其能游獸吾知其能走走者可以為罔游者可以為綸飛者可以為矰至於龍吾不能知其乘風雲而上天吾今日見老子其猶龍邪老子修術德其學以自隱無名為務居周久之見周之衰迺遂去至關關令尹喜曰子將隱矣彊為我著書於是老子迺著書上下篇言道徳之意五千餘言而去莫知其所終或曰老萊子亦楚人也著書十五

篇言道家之用與孔子同時云蓋老子百有六
十餘歲或言二百餘歲以其脩術而養壽也自
孔子死之後百二十九年而史記周太史儋見
秦獻公曰始秦與周合而離離五百歲而復合
合七十歲而霸王者出焉或曰儋即老子或曰
非也世莫知其然否老子隱君子也老子之子
名宗宗為魏將封於段干宗子注注子宮宮子
孫假假仕於漢孝文帝而假之子解為膠西王

印太傅因家于齊焉世之學老子者則絀傳學
儒學亦絀老子道不同不相為謀豈謂是邪李
耳無為自化清靜自正

嘉靖戊戌六月十有九日為

北山鍊師補書此傳於是余年六十有九
矣歐陽公嘗言夏月據案作書可以消暑
忘勞然余揮汗執筆祇覺煩苦爾豈公自
有所樂也是日午後微雨稍涼但苦窓暗

故首尾濃纖不類不覺觀者之謂云徵明

識



病困無聊寄此奉贈

北山棟宇必充福濟

觀孝位

一
喚
置
之

清
明
頓
令

